



Broj: 05/7-39-1-115-80/22

Sarajevo, 24. 2. 2022.

Z A P I S N I K

80. sjednice Vijeća nacionalnih manjina BiH, održane 24. 2. 2022. u Banjoj Luci

Sjednica Vijeća nacionalnih manjina BiH počela je u 19 sati, nakon sastanka sa Savjetom nacionalnih manjina RS-a.

Sjednici su prisustvovali: Andrija Svatok, predsjedavajući, Velibor Kuvač, Tihomir Knežiček, Jakob Finci, Dragan Marković, Todorka Jovanović, Silvija Vujović, Mladen Radmilović, Nedžad Jusić, Jovanka Manžalović-Šalaka, Hakan Varan, Halil Bicać, Marija Grbić, Tijana Vučurević, Davor Ebner i Eva Pašić-Juhas.

Sjednici, iz opravdanih razloga, nisu prisustvovali Vjeročka Gajić i Dejan Piotrovski.

Sjednici su, također, prisustvovali: Aida Kreho, sekretar Zajedničke komisije za ljudska prava, Stojanka Šarović, savjetnica u Zajedničkoj komisiji za ljudska prava, i Enver Bogućanin, stručni savjetnik za informiranje.

Za sjednicu je predložen

DNEVNI RED

1. Usvajanje Zapisnika 79. sjednice Vijeća nacionalnih manjina BiH;
2. Razmatranje modificiranog prijedloga izmjena i dopuna Ustava Bosne i Hercegovine i Izbornog zakona Bosne i Hercegovine (predlagač: Dervo Sejdić), u skladu sa zaključkom sa 79. sjednice Vijeća nacionalnih manjina BiH;

3. Verifikacija odgovora na dopis Ministarstva za ljudska prava i izbjeglice BiH i odgovora na pitanja specijalnog izvjestioca UN-a za manjine povodom izrade tematskog izvještaja „Prevenција sukoba kroz zaštitu ljudskih prava manjina“;
4. Razmatranje saopćenja za javnost pet tuzlanskih udruženja nacionalnih manjina, predlagač: Tihomir Knežiček;
5. Tekuća pitanja:
 - a) Razmatranje predstavke broj:05/7-50-17-256/22 od 15. 2. 2022,
 - b) Razmatranje prijedloga dopisa za *Mtel kompaniju* povodom ukidanja kanala na jezicima manjina.

Dnevni red jednoglasno je prihvaćen.

Ad. 1. Usvajanje Zapisnika 79. sjednice Vijeća nacionalnih manjina BiH

Predsjedavajući Vijeća nacionalnih manjina BiH otvorio je raspravu o ovoj tački dnevnog reda. S obzirom na to da nije bilo primjedbi, Zapisnik je jednoglasno usvojen.

Ad. 2. Razmatranje modificiranog prijedloga izmjena i dopuna Ustava Bosne i Hercegovine i Izbornog zakona Bosne i Hercegovine (predlagač: Dervo Sejdić), u skladu sa zaključkom sa 79. sjednice Vijeća nacionalnih manjina BiH

Predsjedavajući je otvorio raspravu o ovoj tački dnevnog reda, podsjećajući na to da je VNMBiH kao stalno, savjetodavno tijelo Parlamentarne skupštine BiH, na 79. i 80. sjednici razmotrilo akt pod nazivom: Prijedlog ograničenih izmjena Ustava BiH i Izbornog zakona BiH, koji je dostavio Dervo Sejdić, predsjednik Romskog informativnog centra - Kali Sara.

Nakon rasprave VNMBiH je većinom glasova, s 13 glasova „za“ i 3 glasa „suzdržan“, prihvatilo navedeni prijedlog i odlučilo ga dostaviti Interresornoj radnoj grupi za izmjenu izbornog zakonodavstva BiH, s molbom da ga razmotre.

Ad. 3. Verifikacija odgovora na dopis Ministarstva za ljudska prava i izbjeglice BiH i odgovora na pitanja specijalnog izvjestioca UN-a za manjine povodom izrade tematskog izvještaja „Prevenција sukoba kroz zaštitu ljudskih prava manjina“

Predsjedavajući je naveo da su na ovoj tački, u skladu sa Zaključkom sa 79. sjednice, radili Velibor Kuvač i Tihomir Knežiček. Kuvač i Knežiček su naveli da je radna grupa pripremila materijal, ukratko obrazložili sadržaj dokumenta i ponovili da je akt dostavljen Ministarstvu za ljudska prava i izbjeglice BiH. U diskusiji je učestvovala i Jovanka Manžalović-Šalaka.

Odgovor na dopis Ministarstva za ljudska prava i izbjeglice BiH i pitanja specijalnog izvjestioca UN-a za manjine povodom izrade tematskog izvještaja „Prevencija sukoba kroz zaštitu ljudskih prava manjina“ jednoglasno je usvojen.

Ad. 4. Razmatranje saopćenja za javnost pet tuzlanskih udruženja nacionalnih manjina, predlagač: Tihomir Knežiček

Nakon uvodnih riječi predsjedavajućeg, riječ je uzeo Tihomir Knežiček te, kao predlagač, obrazložio zahtjev sadržan u Saopćenju za javnost pet tuzlanskih udruženja nacionalnih manjina. U raspravi koja je uslijedila, učestvovali su: Velibor Kuvač, Jovanka Manzalović-Šalaka, Nedžad Jusić, Tihomir Knežiček, Mladen Radmilović i Jakob Finci.

Nakon što je tokom rasprave predloženo nekoliko zaključaka, članovi Vijeća su glasali po prijedlogu Velibora Kuvača, koji je djelimično modificirao Nedžad Jusić, a koji glasi: „Vijeće nacionalnih manjina BiH preporučuje udruženjima nacionalnih manjina iz Tuzle, Komisiji za zaštitu prava nacionalnih manjina pri Vijeću Grada Tuzla i Misiji OSCE-a u Tuzli da organiziraju zajednički sastanak na kojem bi razmatrali naredne aktivnosti s ciljem da svaka nacionalna manjina bude zastupljena u tijelima koja rade na pitanjima zaštite prava nacionalnih manjina“. Predloženi zaključak jednoglasno je usvojen.

Ad. 5. Tekuća pitanja:

- a) Razmatranje predstavke broj:05/7-50-17-256/22 od 15. 2. 2022,**
- b) razmatranje prijedloga dopisa za Mtel kompaniju povodom ukidanja kanala na jezicima manjina.**

Nakon rasprave pod tačkom **a)** VNMBiH je, imajući u vidu propisane nadležnosti, odlučilo da predstavku dostavi Nezavisnoj komisiji za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud BiH, strani sudovi za djela predviđena krivičnim zakonom BiH ili međunarodnim ugovorom, čiji je potpisnik BiH, ili drugi sud u skladu sa zakonom BiH, uz molbu da VNM obavijeste o postupanju po predstavci.

VNMBiH je, nakon rasprave pod tačkom **b)**, odlučilo obratiti se Mtel a.d. Banja Luka s molbom da, kao što je to bio slučaj u prethodnom periodu, u TV pakete svoje kompanije uvrste kanale na jezicima pripadnika manjina u BiH.

Sjednica je završena u 20.45 sati.

**Sekretar Zajedničke komisije
za ljudska prava
Aida Kreho**

**Predsjedavajući
Vijeća nacionalnih manjina BiH
Andrija Svatok**